

西北稀見方誌文獻

第五十三卷

中國西北文獻叢書



中國西北文獻叢書・第一輯

西北稀見方誌文獻

第五十三卷



中衛縣志

中衛組志

原
版
本
規
格

開本：二七四×一六六（毫米）
版芯：二〇二×一五三（毫米）

續修中衛縣志序



邑之有志猶國之有史也



國無史則孰知興衰理亂

之由邑無志則孰知因革

損益之事顧今之為志者

大率抄撮成篇沿襲為事

欲以信今而傳後也難矣
中衛邑宰鄭君考堂予老
友也道光辛丑春因公來
省携所葺邑志就正於予
云中衛向無志乘自前宰
黃恩錫創為此書迄今八

十餘年未嘗修葺志且漸
就湮沒元吉公餘之暇取
舊志網羅散失始於庚子
仲夏成於辛丑仲春乞予
一言弁首予披覽往復詳
畧得宜信乎師武功志之

遺意而非徒襲其緒餘者
也吁中衛山水甲雍州稻
隴桑田沃埜千里予三宦
邊陲未曾一至其地今觀
考堂所編地理一志某山
某水引据甚悉不啻置身

於鳴沙流泉間矣遂走筆
而為之序

道光二十一年辛丑歲孟
夏月甘藩使者玉樵程德
潤撰并書



此志類例記載盡仍舊志所續增不及十一而自標續修刻
 移成編蓋將舊志之甚者舊志卷八古蹟考此以古蹟入地理而移
 即洋異一目與八景軼事合為雜記於是此志凡為表表記編四
 綱視舊志益望義意從詳異舊入建置亦自不類後之是
 也物產一目自地理移入貢賦似不必悉既原板校易而隱目
 之應理志草古蹟六目之古蹟考均未整補雜志一卷又不增
 卷首小序與全書不類因人之物而復以此糾謬亦太疏矣
 丁巳秋日題於中衛縣城臨池涼汀上



續修中衛縣志序

自龍門創為紀傳書表世家孟堅特
易書為志歷代並師其意故有一統
志有通志有郡志有邑志郡邑以脩
通志一統之採擇方輿紀載彬彬大
脩操觚之家薈萃成書獨中衛缺如
乾隆辛巳歲黃素菴舊令蒞邑時有
稽索叅以據依三月志書成帙今八

十餘年因革損益書缺有間吉甚快
焉於是商共寅僚議集紳耆下及里
長黨正皆充採訪自春徂夏各舉見
聞以陳鄉里山川古蹟悉因仍於舊
志倉儲學校之紛更郵驛橋梁之增
減明神先哲之壇廟墳塋戶口錢糧
之盈虛徵歛公卿大夫忠孝節義之
尊美薦舉科名營武戰守之盛大天

人休咎之徵山林遺軼之事補遺正
譌每篇目輒條其顛末博觀而約取
之初稿定復寓書蘭垣延余君子佩
州倅至署公暇往復商榷子佩於是
按篇目而加以辨核故地理有稽建
置有準田賦有憑官師有定人物有
詳獻徵有據雜記有條各得其體要
以脩採擇

道光二十一年歲在辛丑季春之月

下浣

勅授文林郎中衛縣知縣鄭元吉撰

原序

自扶風易龍門八書為十志此
志之所由始也厥後郡縣莫不
有志所以脩輜軒之採擇貢之
上國為史乘資任綦重矣非有
作之於前則後之踵而輯之者
苦於無因或作矣而未脩非有
推而廣之使別類分門犁然具

國

舉又不足以稱完書甚矣志之
難也中邑自五代迄宋淪入西
夏荒滅不可考矣元置應理州
明改寧夏中衛
朝因之至雍正三年始為縣向
所傳應理一冊粗具梗槩前後數
百年間事多放失觀風者不無
遺憾焉賧北黃君以名進士蒞

斯土歲且四稔政和人洽百廢
皆興平時目之所歷耳之所聞
故老遺民之所傳述與夫地形
風俗因革利病下至一名一物
莫不瞭然於心因慮文獻之無
徵網羅散佚叅互考訂廣舊抄
為十卷麟麟炳炳卓然成一家
之言斯真可以信今而傳後矣